

NASIONALE SENIOR SERTIFIKAAT

GRAAD 12

AFRIKAANS TWEEDE ADDISIONELE TAAL V1

FEBRUARIE/MAART 2017

VRYSTAAT

PUNTE: 120

TYD: 21/2 uur

Hierdie vraestel bestaan uit 23 bladsye.

INSTRUKSIES EN INLIGTING

1. Hierdie vraestel bestaan uit VIER afdelings:

AFDELING A:	Leesbegrip	(30)
AFDELING B:	Opsomming	(10)
AFDELING C:	Taalstrukture en -konvensies	(40)
AFDELING D:	Letterkunde	(40)

- 2. Beantwoord AL die vrae.
- 3. Begin ELKE afdeling op 'n NUWE bladsy.
- 4. Trek 'n streep ná elke afdeling.
- 5. Nommer die antwoorde korrek volgens die nommeringstelsel wat in hierdie vraestel gebruik word.
- 6. Laat 'n reël oop na elke antwoord.
- 7. Gee besondere aandag aan spelling en sinsbou.
- 8. Voorgestelde tydsindeling:

AFDELING A: 50 minute
AFDELING B: 30 minute
AFDELING C: 40 minute
AFDELING D: 30 minute

9. Skryf netjies en leesbaar.

AFDELING A: LEESBEGRIP

VRAAG 1: TYDSKRIFARTIKEL

Lees die tydskrifartikel (TEKS A) hieronder en beantwoord die vrae.

TEKS A

SUKSES NA HARDE WERK

- Praise Ndebele (18) en Lwazi Shezi (16) was in 2013 onder die topmatrieks in hulle provinsies. Praise was Gauteng se topmatrikulant vir 2013. Lwazi Shezi (16), van KwaZulu-Natal, was een van die top 10-leerders in sy provinsie. Hy was ook een van Suid-Afrika se beste Wiskundeleerders in 2013.
- Dit was nie maklik vir hierdie twee seuns om hierdie baie goeie prestasies te stabehaal nie. Omdat hulle nie saam met hul ouers gewoon het nie, kon hulle ouers hulle nie elke dag help nie. Daar was ook nie altyd genoeg geld nie en hulle het dikwels honger gaan slaap. Hierdie probleme het hulle nie gekeer om goed te presteer nie.
- Praise Ndebele woon saam met sy oom en tante en hulle drie kinders in Midrand. Hy het by 'n township-skool in Tembisa skoolgegaan. Praise beskryf homself as 'n persoon met goeie selfdissipline. Nadat hy graad 11 in Desember 2012 geslaag het, het hy al begin leer vir sy finale matriekeksamen in 2013. Hy het elke dag dadelik begin leer wanneer hy van die skool af by die huis gekom het en het baie aande tot twaalfuur geleer. Elke Sondag het hy 'n studierooster vir die volgende week opgestel en dan vooruit studeer.

15

10

- Praise het in nege vakke meer as 80% in die finale matriekeksamen gekry, met volpunte in drie van sy vakke. Hy het 'n volle studiebeurs ontvang en studeer nou 20 aan die Universiteit van Kaapstad. Hy wil eers sy B.Com-graad voltooi en daarna wil hy verder in Wiskunde studeer.
- Lwazi Shezi het in sy matriekjaar alleen in 'n HOP-huisie in Durban gewoon en was in Hoërskool Velabahleke. Sy pa, Aaron, was 'n vragmotorbestuurder en het eers saam met Lwazi gewoon. Nadat Aaron afgetree het, het hy teruggegaan na Mtwalume om vir Lwazi se twee susters te sorg. Lwazi het alleen agtergebly, want hy was in 'n goeie skool en sy pa wou gehad het hy moes daar studeer.



25


- 6 Lwazi het ook 'n baie besige skoolprogram gehad. Hy moes soggens baie vroeg opstaan, want sy eerste klas het reeds om vyfuur begin. Hy en sy klasmaats het 30 dan eers sesuur saans weer teruggegaan huis toe. Hy het ook Sondae ekstra Wiskundeklasse gehad.
- 7 Dit was moeilik om alleen te woon. Lwazi het party dae niks gehad om te eet nie. Gelukkig het 'n buurvrou hom met etes gehelp en soms sy wasgoed ook gewas.

8	Lwazi het begin skoolgaan toe hy vyf jaar oud was. Hy het altyd gesê hy wil tier onderskeidings (A's) in matriek kry en hy het dit reggekry. Hy het volpunte ir Wiskunde en Rekeningkunde behaal en het net 'n punt gekort om volpunte ir Fisiese Wetenskappe te kry. Iets waarop hy ook baie trots is, is dat hy 97% in 'r rekenaarvak behaal het, al het hy nie eens sy eie rekenaar gehad nie!))
9	Lwazi het altyd daarvan gedroom om verder te studeer. Dit het amper nie gebeur nie, want sy pa kon nie sy studiegeld betaal nie. Gelukkig het 'n persoon met 'r goeie hart van Lwazi gehoor en sy studies aan die Universiteit van Kaapstad betaal. Lwazi sê hy sal eers voel dat hy regtig sukses behaal het as dit goed gaar met sy hele gesin.)
	[Verwerk uit Huisgenoot, 30 Januarie 2014]	
1.1	In watter jaar het Praise en Lwazi matriek geskryf?	(1)
1.2	Hoe oud was Praise toe hy matriek geskryf het?	(1)
1.3	Van watter provinsie is Lwazi Shezi?	(1)
1.4	Lwazi was een van die top 10-leerders in sy provinsie. Watter nasionale prestasie het hy behaal?	(1)
1.5	Kies die korrekte antwoord tussen hakies.	
	Praise en Lwazi het (finansiële/gesondheids-) probleme gehad terwyl hulle besig was om vir matriek te studeer.	(1)
1.6	Waarom kon Praise en Lwazi se ouers hulle nie elke dag help en ondersteun toe hulle in matriek was nie?	(1)
1.7	Skryf EEN woord uit paragraaf 3 neer wat aandui dat Praise nie in 'n privaatskool was nie.	(1)
1.8	Lees die volgende aanhaling uit paragraaf 3:	
	"Nadat hy graad 11 in Desember 2012 geslaag het, het hy al begin leer vir sy finale matriekeksamen in 2013."	
	Watter goeie les kan elke matriekleerder hieruit leer?	(1)
1.9	Noem TWEE dinge wat Praise elke dag gedoen het wat wys dat hy sy tyd goed gebruik het.	(2)
1.10	Waarom is die volgende stelling ONWAAR?	
	Praise is tevrede met net 'n B.Com-graad.	(1)
1.11	Watter werk het Lwazi se pa voor sy aftrede gedoen?	(1)
1.12	Waarom is die volgende stelling ONWAAR?	
	Lwazi is sy ouers se enigste kind.	(1)

1.13	Waarom, laat agter	dink jy, het Lwazi se pa reg opgetree om hom alleen in Durban te bly?	(1)		
1.14	Wat het Lwazi oor naweke gedoen wat hom gehelp het om goed te presteer in Wiskunde?				
1.15	Kies die letter (A-	KORREKTE antwoord. Skryf net die vraagnommer (1.15) en die D) neer.			
	Lwazi se was.	e buurvrou het hom gehelp; daarom kan ons sê dat sy buurvrou			
	C geh	ik dhartig oorsaam antwoordelik	(1)		
1.16	Skryf EE vakke te	N woord uit paragraaf 8 neer wat dieselfde beteken as om "A's" vir kry.	(1)		
1.17	Noem TV	VEE vakke waarin Lwazi volpunte behaal het.	(2)		
1.18	1.18.1	Waarom was dit nie maklik vir Lwazi om die rekenaarvak te neem nie?	(1)		
	1.18.2	Kies die korrekte antwoord tussen hakies.			
		Al was dit vir Lwazi moeilik om die rekenaarvak te neem, het hy die vak goed geslaag. Dit bewys dat Lwazi (ernstig/moedeloos) oor sy studies was.	(1)		
1.19	Lwazi wo	u na matriek verder studeer. Waarom het dit amper nie gebeur nie?	(1)		
1.20	'n Vreem ander me	de persoon het Lwazi se studies betaal. Watter voorbeeld stel dit vir ense?	(1)		
1.21	Die opsk	rif van hierdie artikel is SUKSES NA HARDE WERK.			
	Kies die letter (A-	KORREKTE antwoord. Skryf net die vraagnommer (1.21) en die D) neer.			
	Hierdie s	torie oor Praise en Lwazi is 'n "goedvoelstorie", want dit bewys dat			
	B jy sa C stud	r altyd probleme is wat studies moeilik maak. al slaag as jy saam met jou maats werk. lies die belangrikste ding in die lewe is. n mens jou bes doen, sal jy wel goeie uitslae behaal.	(1)		

TEKS B: VISUELE TEKS

Bestudeer die teks hieronder en beantwoord die vrae.



[Verwerk uit Grafika24]

1.22 Watter soort vleis sal jy by hierdie kitskosplek kry? (1)
1.23 Kies die korrekte antwoord tussen hakies.
Volgens hierdie teks het McDonald's 'n (hoër/laer) puntetelling as FishAways. (1)
1.24 Hoekom, dink jy, is daar vlammetjies in Steers se logo? (1)

TOTAAL AFDELING A:

30

1.25	Hoeveel punte het Debonair's volgens hierdie teks gekry?	(1)
1.26	Kies die KORREKTE antwoord. Skryf net die vraagnommer (1.26) en die letter (A-D) neer.	
	Die doel van hierdie visuele teks is om te wys	
	A hoeveel mense in SA van kitskos hou. B van watter kitskos mense in SA die meeste hou. C watter kitskosplekke 'n mens in SA kry. D dat mense in SA baie van kitskos hou.	(1)
1.27	Hoekom, dink jy, is hierdie visuele teks makliker om te verstaan as 'n geskrewe teks? Gee EEN rede.	(1)

AFDELING B: OPSOMMING

VRAAG 2: GOEIE MANIERE

- Som SEWE hoofgedagtes van GOEIE MANIERE op.
- Skryf die volsinne PUNTSGEWYS en in jou eie woorde neer.
- Nommer die volsinne van 1 tot 7.
- Jou opsomming mag nie langer as 60 woorde wees nie.
- Dui die KORREKTE getal woorde aan die einde van die opsomming aan.

TEKS C

Goeie maniere kan jou help om beter met ander mense oor die weg te kom. Sê altyd asseblief en dankie wanneer dit nodig is.



Dit is goeie maniere om ander mense se eiendom te respekteer. Daarom moet 'n mens nie sommer net iets vat of dit gebruik sonder om te vra nie. 'n Mens moet ook nie ander mense se eiendom beskadig nie.



Wanneer jy met iemand praat, moet jy onthou dat ander mense jou kan hoor. Moenie onnodig hard praat nie. Wanneer jy te hard praat, mag mense dalk dink dat jy onbeskof is.



Goeie tafelmaniere is ook belangrik. Dit is onaangenaam om saam met iemand wat swak tafelmaniere het, te eet. Kou altyd met jou mond toe.



As jy jou selfoon moet gebruik terwyl jy saam met ander mense is, moet jy probeer om eenkant toe te gaan. Ander mense wil nie hoor wat jy oor jou selfoon sê nie.



Wanneer baie mense saam is, moet almal wat wil praat, 'n kans kry om iets te sê. Luister terwyl ander mense praat en wag tot dit jou beurt is om te praat.





Kopiereg voorbehou

Sê geluk aan ander mense wat iets goeds gedoen het. Dit maak mense gelukkig as iemand anders raaksien wat hulle doen.



[Verwerk uit wikihow.com]

TOTAAL AFDELING B:

Blaai om asseblief

AFDELING C: TAALSTRUKTURE EN-KONVENSIES

VRAAG 3: ADVERTENSIE

Lees en bestudeer die advertensie (TEKS D) hieronder en beantwoord die vrae.

TEKS D



[Eie teks]

3.1 Vir wie is hierdie advertensie bedoel? (1)

3.2 Gee die VERGROTENDE TRAP VAN VERGELYKING van die woord tussen hakies.

(wit) en gesonder tande (1)

3.3 Kies die KORREKTE antwoord. Skryf net die vraagnommer (3.3) en die letter (A–D) neer.

"Om met 'n mondvol tande te sit" beteken jy ...

- A het te veel tande in jou mond.
- B weet nie wat om te sê nie.
- C hoef nie te glimlag nie.
- D het nog al jou tande.

(1)

(1)

- 3.4 Hoekom gebruik die adverteerder verskillende lettertipes in die advertensie?
- 3.5 Kies die KORREKTE antwoord. Skryf net die vraagnommer (3.5) en die letter (A–D) neer.

Watter skryfteken word in die woord "sê" gebruik?

- A Deelteken
- B Koppelteken
- C Aksentteken
- D Kappie (1)
- 3.6 Kies die korrekte antwoord tussen hakies.
 - Wys vir almal jou tande is (silwerskoon/beeldskoon).

(1)

3.7 Kies die korrekte UITROEP tussen hakies.

(Sjoe/Hoera) vir sterker tande!

(1)

(1)

- 3.8 Hoe word die naam van die produk uitgelig?
- 3.9 Waarom pas die prent van die vrou wat glimlag by hierdie advertensie?
 - (1)
- 3.10 Voltooi die volgende sin deur 'n woord in die lys hieronder te gebruik. Skryf net die vraagnommer (3.10) en die ontbrekende woord neer.



vrolik oor; trots op; tevrede met


Die tandmannetjie steek sy duim in die lug op om te wys dat hy ... die tandepasta is.

(1) **[10]**

VRAAG 4: STROKIESPRENT

Lees en bestudeer die strokiesprent (TEKS E) hieronder en beantwoord die vrae.

TEKSE



4.1 Voltooi die VRAAGSIN.

Neelsie is laat vir die rekenaarklas.

Begin só: Vir watter klas ...? (1)

- 4.2 Gee die ANTONIEM van "laat". (RAAMPIE 1) (1)
- 4.3 Skryf die sin oor in die INDIREKTE REDE.

Meneer sê vir Neelsie: "Jy speel altyd speletjies."

Begin só: Meneer sê vir Neelsie dat ... (1)

- 4.4 Gebruik die woord "leer" (RAAMPIE 1) in 'n sin sodat dit 'n ANDER BETEKENIS het. (1)
- 4.5 Kies die korrekte antwoord tussen hakies.

Die frons op Meneer se voorkop in RAAMPIE 2 wys vir ons dat hy (kwaad/vriendelik) is. (1)

- 4.6 Skryf die korrekte Afrikaanse woord vir "sorry" neer. (1)
- 4.7 Hoe kan ons in RAAMPIE 2 aan Meneer se liggaamstaal sien dat hy met Neelsie raas? (1)

4.8 4.8.1 Kies die korrekte antwoord tussen hakies.

"Jou klipkop!" is 'n voorbeeld van (letterlike/figuurlike) betekenis. (1)

- 4.8.2 Wat bedoel Meneer as hy vir Neelsie sê dat hy 'n "klipkop" is? (1)
- 4.9 Kies die KORREKTE antwoord. Skryf net die vraagnommer (4.9) en die letter (A–D) neer.

Neelsie hou aan om vir Meneer te sê "sorry", want Neelsie ...

- A is regtig jammer oor alles wat hy verkeerd doen.
- B wil hê dat Meneer moet ophou baklei.
- C hou baie daarvan om Engels te praat.
- D het 'n verskoning gehad waarom hy laat was.

(1) **[10]**

10

VRAAG 5

5.1 Lees die leesteks (TEKS F) hieronder en beantwoord die vrae.

TEKS F

DIE COMRADES MARATHON

- Die Comrades Marathon is 'n ultramarathon van ongeveer 89 (5.1.1) (km) wat elke jaar in KwaZulu-Natal plaasvind. Dit is die wêreld se grootste en (5.1.2) (oud) ultramarathon. Ongeveer 23 000 atlete neem (5.1.3) (aan/in) die marathon deel.
- Die roete ruil (5.1.4) (elke jaar) om. Die een jaar begin atlete in Durban en hardloop "op". (5.1.5) Die volgende jaar begin hulle in pietermaritzburg en hardloop "af". Atlete het 12 ure (5.1.6) (... die afstand ... voltooi).
- Die Comrades Marathon stel hoë (5.1.7) (eise/yse) aan atlete. Daarom moet atlete ouer as (5.1.8) (20) jaar wees.
- Bruce Fordyce is die mansatleet wat die meeste Comrades Marathons gewen het. (5.1.9) (Hy/Sy) het dit nege keer gewen. Frith van der Merwe is 'n klein (5.1.10) (vrou) wat ook goeie (5.1.11) (prestasie) behaal het.
- Wally Hayward het sy laaste Comrades Marathon (5.1.12) (hardloop) toe hy 80 jaar oud was. Daar was 'n paar Comrades Marathons 15 waaraan hy (5.1.13) ... deelgeneem het nie.
- 6 (5.1.14) Die atlete help mekaar. Die gees van Ubuntu is altyd sterk by die Comrades Marathon. (omdat)

[Verwerk uit Wikipedia.com]

5.1.1	Skryf "km" as 'n woord. (Reël 2)	
	van ongeveer 89 km wat elke jaar in KwaZulu-Natal plaasvind.	(1)
5.1.2	Skryf die korrekte VORM van "oud". (Reël 3)	
	Dit is die wêreld se grootste en oud ultramarathon.	(1)
5.1.3	Kies die korrekte VOORSETSEL tussen hakies. (Reël 4)	
	Ongeveer 23 000 atlete neem (aan/in) die marathon deel.	(1)
5.1.4	Gee EEN WOORD vir "elke jaar". (Reël 5)	
	Die roete ruil elke jaar om.	(1)
5.1.5	Skryf die woord neer wat met 'n HOOFLETTER geskryf moet word. (Reël 7)	
	Die volgende jaar begin hulle in pietermaritzburg en hardloop "af".	(1)
5.1.6	Voltooi die INFINITIEF. Skryf die hele sinsdeel oor. (Reël 7 en 8)	
	Atlete het 12 ure die afstand voltooi.	(1)
5.1.7	Kies die korrekte woord tussen hakies. (Reël 9)	
	Die Comrades Marathon stel hoë (eise/yse) aan atlete.	(1)
5.1.8	Skryf die GETAL (20) in woorde. (Reël 10)	
	Daarom moet atlete ouer as 20 jaar wees.	(1)
5.1.9	Kies die korrekte VOORNAAMWOORD tussen hakies. (Reël 12)	
	(Hy/Sy) het dit nege keer gewen.	(1)
5.1.10	Gee die VERKLEININGSVORM van "vrou". (Reël 13)	
	Frith van der Merwe is 'n klein vrou.	(1)
5.1.11	Gee die MEERVOUD van "prestasie". (Reël 13)	
	wat ook goeie prestasie behaal het.	(1)
5.1.12	Gee die korrekte VORM van "hardloop". (Reël 14)	
	Wally Hayward het sy laaste Comrades Marathon hardloop	(1)

(1)

5.1.13 Vul die korrekte ontbrekende WOORD in. (Reël 16)


Daar was 'n paar Comrades Marathons waaraan hy ... deelgeneem het nie.

5.1.14 VERBIND die sinne met die VOEGWOORD tussen hakies. (Reël 17–18)

Die gees van Ubuntu is altyd sterk by die Comrades Marathon. Mense help mekaar. (omdat) (1)

5.2 Bestudeer die prent (TEKS G) hieronder en beantwoord die vrae.

TEKS G



[Verwerk uit Shuters Arts & Culture Grade 9]

Kies telkens die korrekte antwoord tussen hakies.

5.2.6	Sanet druk die verkeerde (noot/nood) op die klavier.	(1) [20]
5.2.5	Katrien het (oorfone/oorfoons) op haar kop.	(1)
5.2.4	Die groep speel 'n (opgewonde/vrolike) liedjie.	(1)
5.2.3	Gerrit het (lang/lank) hare.	(1)
5.2.2	Zanele is die (sanger/singer) in die groep.	(1)
5.2.1	Daar lê baie (lyne/drade) op die vloer.	(1)

TOTAAL AFDELING C: 40

5

(1)

AFDELING D: LETTERKUNDE

Hierdie afdeling bestaan uit TWEE vrae. Beantwoord NET die vraag oor die stories wat jy behandel het.

KINDERS VAN DIE AARDE – Charles Fryer

OF

OM LAASTE TE KAN LAG - Pirow Bekker

Beantwoord die vrae oor AL TWEE die verhale.

VERHAAL A: "ROOIKOOS WILLEMSE IS SOEK" (20)

VERHAAL B: "MY BROER SE KRAAI" (20)

OF

VERHAAL A: "OPGANG" (20)

VERHAAL B: "OM LAASTE TE KAN LAG" (20)

VRAAG 6

VERHAAL A: "ROOIKOOS WILLEMSE IS SOEK" – Abraham H de Vries

Lees die uittreksel hieronder en beantwoord die vrae.

Die Barrydalers het die rusie nie begin nie, ek glo dit nie, en dit maak ook nie saak wie die rusie begin het nie, maar oplaas – net hier vóór ete gelukkig – toe was daar rusie en Rooikoos Willemse het gebulder soos hy gebulder het toe hy nog geboer het. Want die man het 'n stem gehad, dit sal ek jou vertel, die man het 'n stem gehad soos g'n haaifaai vandag het nie.

"Julle ditse-datse-ditse-datse ..." en ek wil die woorde nie hier oorsê nie ...

- Waar op Rooikoos se dorp het die rusie tussen Rooikoos en die Barrydalers plaasgevind? (1)
- 6.2 Wie het die rusie tussen Rooikoos en die Barrydalers gestop? (1)
- 6.3 Kies die KORREKTE antwoord. Skryf net die vraagnommer (6.3) en die letter (A–D) neer.

"die man het 'n stem gehad soos g'n haaifaai vandag het nie" (reël 4 en 5) is 'n voorbeeld van ...

- A 'n metafoor.
- B kontras.
- C klanknabootsing.
- D 'n vergelyking.

6.4 Die rede waarom Rooikoos nie meer geboer het nie, was omdat hy onverantwoordelik opgetree het.

Sê waarom hierdie stelling WAAR is.

(1)

6.5 "ditse-datse-ditse-datse" (reël 6)

Hoekom, dink jy, gebruik die verteller hierdie woorde?

(1)

- 6.6 Skryf die volgende vier insidente onder mekaar oor in die VOLGORDE soos wat dit in die verhaal gebeur:
 - Die losskakel het misgeskop.
 - Barrydale se span het baie foute gemaak.
 - Rooikoos het op die losskakel geskree.
 - Barrydale het 'n strafskop voor die pale gekry.

(4)

Lees die uittreksel hieronder en beantwoord die vrae.

Hoe die Barrydalers hom daar weggekry het, weet g'n mens tot vandag toe nie, maar daardie nag toe neem hulle hom saam Barrydale toe. Net so in sy dronkenskap. Maar man, dis nie die ergste nie. Wat die jongklomp toe te doen het, ...

... maar ek ken die Barrydalers nie so nie, my pa was self een.

Toe kry hulle vir hom 'n kamer ...

5

(1)

- 6.7 Wat het die Barrydalers met Rooikoos gedoen nadat hulle hom Barrydale toe geneem het? Noem TWEE dinge. (2)
- Voltooi die volgende sin deur 'n woord in die lys hieronder te gebruik. Skryf net die vraagnommer (6.8) en die ontbrekende woord neer.

gelukkig;	opgewonde;	verbaas	
	<u> </u>		

As die verteller sê "maar ek ken die Barrydalers nie so nie" (reël 4) dui dit daarop dat die verteller ... was oor die Barrydalers se optrede.

Kies die inligting in KOLOM B wat by die karakter in KOLOM A pas. Skryf net die vraagnommer (6.9.1–6.9.4) en die letter (A–E) neer.

	KOLOM A		KOLOM B
6.9.1	Rooikoos Willemse	Α	het lank in Barrydale se hotel
6.9.2	Die verteller		gewerk.
6.9.3	Jan	В	het hom nie altyd goed gedra nie.
		С	het altyd laat gekom.
6.9.4	Die kelner	D	het die Sondagoggend die foon beleefd beantwoord.
		E	het baie van ander mense se sake af geweet.

 (4×1) (4)

6.10 Kies die KORREKTE antwoord. Skryf net die vraagnommer (6.10) en die letter (A–D) neer.

Die gevolg van Rooikoos se optrede by die rugbywedstryd was dat hy aan die einde van die verhaal ...

- A nie meer in die hotel op sy dorp kon woon nie.
- B baie drankies by die ander mense gekry het.
- C nie geweet het wie hy was nie.
- D besluit het om nie weer op ander mense te skree nie.

(1)

6.11 Gee EEN rede waarom dit verkeerd was van die ander mense om vir Rooikoos so baie drankies te koop.

(1)

6.12 Hoekom kan 'n mens sê dat die hoteleienaar op Rooikoos se dorp iemand was wat graag ander mense gehelp het?

(1)

6.13 Waarom was dit verkeerd van die Barrydalers om Rooikoos te straf soos hulle gedoen het?

(1)

EN

VERHAAL B: "MY BROER SE KRAAI" - Chris Barnard

Lees die uittreksel hieronder en beantwoord die vrae.

Ná 'n week het hy in die hok begin rondstap en kort-kort sy vlerke gelig. Ná twee weke was die kraai gesond ...

Hy het op en af gestap en die draad gepik, gepik, al geniepsiger, en met sy vlerke teen die draad geklap dat die vere so waai.

My broer se kraai was die duiwel in.

5

6.14 Waar het die verteller se broer die kraai opgetel?

(1)

6.15 Hoekom kon die kraai nie vlieg nie? Noem TWEE redes.

(2)

6.16 Wat het die kraai gekry om te eet?

- (1)
- Voltooi die volgende sin deur 'n woord in die lys hieronder te gebruik. Skryf net die vraagnommer (6.17) en die ontbrekende woord neer.

siek; kwaad; hartseer

"My boer se kraai was die duiwel in." (Reël 5)

Dit beteken dat die kraai ... was.

(1)

6.18 Die kraai het gou gewoond geraak aan die hok wat die broer vir hom gebou het.

Sê waarom hierdie stelling ONWAAR is.

(1)

Lees die uittreksel hieronder en beantwoord die vrae.

Dit was 'n Sondagmiddag toe my broer met my kom praat. "Ek dink ek moet my kraai maar los," het hy gesê.

Ek het hom nie probeer aanmoedig nie. Een verkeerde woord, het ek geweet, en hy verander dalk van voorneme.

Maar hy het aangedring op my opinie.

5

Toe dink ek vinnig en ek sê: "Dis jou kraai en jý moet besluit, maar ek dink as die kraai kon besluit, sou hy homself losgelaat het."

"Dis die probleem," het my broer gesê. "Juis dit hinder my meer as iets anders."

6.19 Kies die KORREKTE antwoord. Skryf net die vraagnommer (6.19) en die letter (A–D) neer.

As die verteller dink "... en hy verander dalk van voorneme" (reël 3–4), beteken dit dat die broer miskien nie meer ...

- A die verteller se opinie oor die kraai wou hoor nie.
- B enige besluite oor die kraai sou neem nie.
- C by sy besluit oor die kraai sou hou nie.
- D met enige iemand oor die kraai sou praat nie.

(1)

- Skryf die volgende vier insidente onder mekaar oor in die VOLGORDE soos wat dit in die verhaal gebeur:
 - Na drie dae het die kraai self weer teruggekom hok toe.
 - Die kraai het homself in die hok beseer.
 - Die hok se hekkie is nooit weer toegemaak nie.
 - My broer het die kraai losgelaat.

(4)

Kies die inligting in KOLOM B wat by die karakter in KOLOM A pas. Skryf net die vraagnommer (6.21.1–6.21.4) en die letter (A–E) neer.

	KOLOM A		KOLOM B
6.21.1	Die kraai	Α	was aggressief.
6.21.2	Die verteller	В	was vrolik.
6.21.3	Die verteller se broer	С	was verstandig.
6.21.4	Simon	D	was ongehoorsaam.
		Е	was sorgsaam.

 (4×1) (4)

6.22 Kies die KORREKTE antwoord. Skryf net die vraagnommer (6.22) en die letter (A–D) neer.

'n Les wat 'n mens uit hierdie kortverhaal kan leer, is dat ...

- A mense hulle troeteldiere altyd genoeg kos moet gee.
- B beseerde diere dadelik gedokter moet word.
- C mense hulle troeteldiere genoeg liefde moet gee.
- D diere ook mag kies waar en by wie hulle wil wees.

6.23 Hoekom pas die titel so goed by die verhaal?

(1)

(1)

(1)

(1)

- 6.24 Hoekom kan ons sê dat die kraai eers aan die einde van die verhaal regtig aan die verteller se broer behoort het?
- 6.25 Hoekom was dit reg om die broer te probeer ompraat om die kraai los te laat? (1)
- 6.26 Hoe stel die verteller se broer 'n goeie voorbeeld oor hoe om met diere te werk?

VRAAG7

VERHAAL A: "OPGANG" - Ina Rousseau

Lees die uittreksel hieronder en beantwoord die vrae.

Sy haal die deksel af, en daar staan hy toe voor die vrouens en pronk met sy blink nek en lyfie, asof hy gretig is om haar tot eer te strek.

"Pragtig-pragtig-pragtig!" ... "En sommer stinknuut! Wanneer het ek laas 'n nuwe masjien buitekant 'n winkel gesien? Dis die nuutste masjien in die straat hierdie, Hannetjie! Ek is jaloers op jou."

"Dis nou wat ek'n uitblinkermasjien noem ..."

(1)

5

- 7.1 Watter TWEE van Hannetjie se vriendinne het na haar nuwe masjien kom kyk? (2)
- 7.2 Waar in die huis het Hannetjie se nuwe masjien gestaan toe haar vriendinne kom kyk het? (1)
- 7.3 Kies die KORREKTE antwoord. Skryf net die vraagnommer (7.3) en die letter (A–D) neer.

Toe Hannetjie se vriendin sê: "Dis nou wat ek 'n **uitblinkermasjien** noem ...," (reël 6) het sy bedoel dat Hannetjie se masjien ...

- A splinternuut was.
- B met olie blink gevryf is.
- C baie funksies gehad het.
- D silwer van kleur was.

Lees die uittreksel hieronder en beantwoord die vrae.

Sy kan die masjien sommer opvreet, ... so dankbaar oor hy haar 'n vrou van aansien gemaak het.

"Ek dink daar's iemand by jou agterdeur," ...

Hannetjie gaan kyk:

Wie staan daar, besig om die onderdeur se werwel te verskuif?

5

(4)

Niemand anders as ou Lot nie!

Hannetjie kyk stip na haar.

"Dag, Charlotte," sê sy.

7.4 Voltooi die volgende sin deur 'n woord in die lys hieronder te gebruik. Skryf net die vraagnommer (7.4) en die ontbrekende woord neer.

intelligent; mooi; belangrik
Die nuwe masjien het van Hannetjie 'n "vrou van aansien" (reël 1) gemaak. Dit beteken dat Hannetjie toe gevoel het.
Gee EEN rede waarom 'n mens kan sê dat Hannetjie haar gesin goed versorg het.
Noem EEN rede waarom Lot na Hannetjie se huis toe gegaan het.
"Dag, Charlotte". (Reël 8)
Hoekom, dink jy, noem Hannetjie vir Lot "Charlotte"?
Hannetjie het niemand toegelaat om haar masjien te gebruik nie.
Sê waarom hierdie stelling ONWAAR is.
Skrif die volgende vier insidente ender mekser eer in die VOI CORDE sees

- 7.9 Skryf die volgende vier insidente onder mekaar oor in die VOLGORDE soos wat dit in die verhaal gebeur:
 - Die kinders het vir al hulle maats van die nuwe masjien vertel.
 - Lukas het vir Hannetjie 'n nuwe masjien gekoop.
 - Baie vrouens het na die nuwe masjien kom kyk.
 - Hannetjie het Lot se masjien gebruik om haar naaldwerk te doen.
- 7.10 Kies die KORREKTE antwoord. Skryf net die vraagnommer (7.10) en die letter (A–D) neer.

Die tema van hierdie verhaal is ...

- A status.
- B harde werk.
- C hoogmoed.
- D samewerking. (1)

7.11 Kies die inligting in KOLOM B wat by die karakter in KOLOM A pas. Skryf net die vraagnommer (7.11.1–7.11.4) en die letter (A–E) neer.

	KOLOM A		KOLOM B
7.11.1	Hannetjie	Α	het ander mense beledig.
7.11.2	Lukas	В	was kinderlik opgewonde oor die nuwe masjien.
7.11.3	Lot		,
7.11.4	Katrien	С	wou seker maak dat die masjien opgepas word.
		D	was 'n lui mens.
		Е	was baie verbaas oor die masjien.

 (4×1) (4)

(1)

- 7.12 Hoekom was dit reg van Lukas om vir Hannetjie haar eie masjien te koop?
- 7.13 Hoekom, dink jy, was dit onnodig van Hannetjie en Lot om in konflik met mekaar te wees? (1)

ΕN

VERHAAL B: "OM LAASTE TE KAN LAG" - Chris Barnard

Lees die uittreksel hieronder en beantwoord die vrae.

Streng gesproke moes oom Apie die swartskaap in ons familie gewees het, maar hy had 'n manier om jou teen wil en dank van hom te laat hou. Hy was 'n aweregse ou siel, maar voor jy jou kom kry, het jy daarvan afgesien om hom sy sondes toe te reken.

- 7.14 Waarom het al die mense so baie van oom Apie gehou? (1)
- 7.15 Oom Apie word as "'n aweregse ou siel" beskryf. (Reël 2–3) Noem TWEE maniere hoe oom Apie van sy familie verskil het. (2)
- 7.16 Kies die KORREKTE antwoord. Skryf die vraagnommer (7.16) en die letter (A–D) neer.
 - " ... moes oom Apie **die swartskaap** in ons familie gewees het," (reël 1) is 'n voorbeeld van ...
 - A 'n metafoor.
 - B 'n vergelyking.
 - C klanknabootsing.
 - D personifikasie. (1)
- 7.17 Die rede waarom die kinders in die familie van oom Apie gehou het, was omdat hy hulle met lekkergoed bederf het.
 - Sê waarom hierdie stelling ONWAAR is. (1)

Kopiereg voorbehou

7.18 Hoekom kan 'n mens sê dat oom Apie fluks was?

(1)

(4)

- 7.19 Skryf die volgende vier insidente onder mekaar oor in die VOLGORDE soos wat dit in die verhaal gebeur:
 - Oom Apie se groot probleem is opgelos toe hy gesterf het.
 - Die jeugliefde wou graag met oom Apie trou.
 - Die jeugliefde het gedreig om oom Apie se geheime oor te vertel.
 - Toe oom Apie in sy sestigs was, het die jeugliefde se man gesterf.

Lees die uittreksel hieronder en beantwoord die vrae.

Gewoonlik as oom Apie by ons oorbly, het hy saam met my in die buitekamer geslaap. Maar nie in 'n bed nie. Hy het in 'n stoel geslaap. Die bed, het hy gekla, maak sy rug seer.

Hy is die aand vroeg kamer toe en toe ek later daar aankom, toe sit hy al in sy stoel. Maar hy was spierwit en sy gesig was vreemd. Ek het my buite weste geskrik en die lig afgeskakel. En in die maanlig het ek my 'n oomblik verbeel ek sien sy ronde magie skud van die lag soos altyd as oom Apie iemand 'n poets gebak het.

7.20 Voltooi die volgende sin deur die woord in die lys hieronder te gebruik. Skryf net die vraagnommer (7.20) en die ontbrekende woord neer.

	irriterende;	slegte;	vreemde	
--	--------------	---------	---------	--

Oom Apie het sy stoel oral met hom saamgedra; selfs as hy langs die pad geloop het. Dit sê vir ons dat oom Apie ... maniertjies gehad het. (1)

7.21 Kies die inligting in KOLOM B wat by die karakter in KOLOM A pas. Skryf net die vraagnommer (7.21.1–7.21.4) en die letter (A–E) neer.

	KOLOM A		KOLOM B
7.21.1	Die jeugliefde se man	Α	was 'n geldgierige mens.
7.21.2	Oom Apie	В	was 'n welgestelde boer.
7.21.3	Die verteller	С	was 'n jaloerse mens.
7.21.4	Die jeugliefde	D	was 'n snaakse karakter.
		Е	was 'n fyn waarnemer.

 (4×1) (4)

(1)

7.22 Waarom, dink jy, het oom Apie sy jeugliefde toegelaat om hom vir veertig jaar lank te versorg?

7.23 Wat sou jy gedoen het as jy in oom Apie se situasie was toe sy jeugliefde hom gevra het om te trou nadat haar man dood is? (1)

Blaai om asseblief

7.24 By wie het oom Apie raad gevra toe hy in die moeilikheid was? (1) 7.25 Kies die KORREKTE antwoord. Skryf net die vraagnommer (7.25) en die letter (A-D) neer. 'n Les wat 'n mens uit hierdie kortverhaal kan leer, is dat ... Α jy 'n vaste werk moet hê. daar altyd iemand sal wees om jou te help as jy in die moeilikheid is. В 'n mens in jou eie huis moet bly. С D daar altyd gevolge is vir die dinge wat jy doen. (1)

7.26 Hoekom sal jy sê dat oom Apie laaste gelag het?

(1) **[40]**

TOTAAL AFDELING D: 40
GROOTTOTAAL: 120